

DISSERTATIO MEDICA
INAUGURALIS,
DE
ERYSIPELATE.

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;
NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto;
PRO GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit

ROBERTUS SMITHWICK,
HIBERNUS,

Id autem, quod *Ερυσιπελας* vocari dixi, non solum vulnere supervenire, sed sine hoc quoque oriri consuevit, atque interdum periculum magnum adfert; utique, si circa cervicem aut caput conlilit. *Celsus, Lib. 5. Par. 33.*

Ad diem 12. Septembris, hora locoque solitis.

EDINBURGI:
Apud BALFOUR et SMELLIE,
Academiae Typographos.

M, DCC, LXXXVII.

Viro eximio, eruditissimo,

HENRICO CULLEN, M. D. F. R. S. Ed.

Nosocom. Reg. Edin.

Medico,

Artem salutiferam feliciter excolenti,

Qui plurima beneficia in me contulit,

Per omne tempus,

Quo studiis medicinae,

In hac Academia Alma,

Incubuissem ;

Atque

O B E R T O D O B B Y N,

Nec non,

T H O M Æ L L O Y D,

Armigeris,

Juris consultis, urbis Limerici, huic,

Et

Waterfordiae, illi

Merito propraetoribus ;

Hoc opusculum,

Animi quidem grati,

Et summae observantiae,

Testimonium,

Sacrum esse volui

A U C T O R.

EMENDANDA.

Dedic. lin. 6. *post* in me *insere* contulit,

Pag. 1. l. 11. *pro* diffidat *lege* diffideat

12. *post* definit. *dele*.

4. 12. *pro* differtendum *lege* differtandum

14. 13. Cullen inter alios testes—Cullen,
inter alios, teste

15. denotant—denotent

16. 19. videtur—videatur

17. 4. intestini—intestina

18. 28. urgerent—urgeant

19. 14. conali—canali

15. contribuunt—contribuant

17. purgant—purgent

20. 15. animali—fossili

29. in affectione externa—affectioni
externae

22. 17. quid—unquam

DISSERTATIO MEDICA

INAUGURALIS,

DE

ERYSIPELATE.

HUJUSCE quum morbi, tametsi saepe occurrentis usui, saepeque etiam mortem afferentis, haecenus natura parum comperta est; quumque medicae peritissimi artis, diversis temporibus, investigationem prosequi dignati sunt, qua de causa, et ipse de eodem pauca explicare latui; quidquam autem, vel penitus novum, vel certum, ne allaturum vix affirmare audeo.

Duo in genera inflammationem externam divisit egregius noster Professor Cullen, quorum alterum *Phlegmone*, alterum *Erythema*, vocatur; et quo utriusque externa species inter se dissidat, accuratissime in Synop. Nosol. Method. definit; nempe,

A.

Phlegmone

Phlegmone rubore vivido ; tumore circumscripto, in fistigium plerumque elevato, saepe in apostema abeunte ; dolore saepe pulsatili *.

Erythema colore rubicundo, pressione evanescente ; ambitu inaequali, serpente ; tumore vix evidente, in cuticulae squamulas, in phlyctænas vel vesiculas abeunte ; dolore urente †.

Quod ad Erythema observavit idem auctor ‡, nomen Erysipelas ei, apud medicos scriptores, plerumque impositum. Censet autem, et, ut ego existimo, nec falso, quum Erythema in duo discedat genera, sua nomina singulis tribuenda. Utrorumque revera facies externa eadem, sed prout partes systematis reliquas plus minusve afficiant, possunt distingui : Altero in exemplo, affectio solummodo localis est, nulla systematis praecedente affectione generali orta, sique eo inclinare in ejus progressu videretur, sicuti in localibus caeteris inflammationibus, pulsus frequentiores reddendo, aliaque febris symptomata inferendo, plerumque fit. Erysipelas autem, initio, systema afficit totum ; corpus, scilicet, febre ei, quae Exanthemata solet praecedere, haud absimili, corripitur ; neque Erythema, nisi talis febris aliquamdiu substituerit, in cutis superficie patescit, et cum febre, ex qua nasci videbatur, quodammodo conjuncta, cursum suum conficit. Huic exemplo, Prof. Cullen, Erysipelatis nomen solum tribuendum, at illi alteri, nomen Erythematis constanter imponendum, judicat.

Duo

* Syn. Nos. Meth. Cull. C. VII. Spec. I.

† Ibid. Spec. II.

‡ Vid. Prim. Lin. CCLXXIV.

Duo exempla, quae supra memoravi, haud facile, aut certo discerni posse, nemo inficias ibit; in plurimis autem accuratissime licet, quod cum evenerit, haud parum scientiam medicam promovebit, si aliud alio nomine distingueretur.

Proposito ita explicato definitoque, de Erysipellate stricte ita dicto, differere consilium est; nec ad rem mihi fore videtur, ut varia nomina, vel vetera vel recentiora, quibus appellatum, annotarem, quum, singula Erythemati, et Erysipelati communia fuisse, satis constat. Quare, definitione Culleni prius exscripta, ad phaenomena morbi, pro virili parte, describenda progrediar.

DEFINITIO.

Synocha duorum vel trium dierum, plerumque cum somnolentia, saepe cum delirio.—In aliqua cutis parte, saepius in facie, phlogosis Erythema*.

HISTORIA MORBI.

Morbus plerumque cum horrore ingreditur, cui calor undaeque pyrexiae symptomata succedunt. Vomitus requeuter, et fere semper somnolentia, et necnon conia,
cum

* Syn. Nos. Meth. Cull. G. XXXI.

eum comitantur. Pulsus semper frequens, et plerumque durus et plenus.

Cum haec symptomata duos, tres, vel ad summum, quatuor dies obtinuerint, Erythema, in quadam superficiali corporis parte, jam exoritur, et omnia signa, in definitione praemissa, assumit. Cursus tamen et finis eruptionis, pro parte affecta, differunt, ut postea memorabo. Quasvis partes nimirum molliores, brachia tamen, et plerumque crura, mammaeque mulierum, et praecipue faciem utriusque sexus, invadit. Quoniam proximo memorato ab exemplo maximum instat periculi, ea de causa, de hoc praecipue dissertendum est. Prius, tamen, quam initium faciam, pauca in aliis partibus de progressu Erythematis narrare haud supervacaneum erit.

Cum aliquam partem brachiorum crurumve occupaverit, a primaria sede, ultro citroque plerumque vagatur, donec cutis totius membri rubore et calore suffusa fuerit: Sed in primaria sede, praeter Erythema superficialium, pars subtendens quadam phlegmonica inflammatione afficitur, atque saepissime morbus universus in abscessum quendam in ea parte, lente ad suppurationem vergente, unde ulcus sanatu semper operosum, definit. Hic autem cursus communis Erysipelatis phlegmonodaci, ita appellati, quod inferiora vulgo adoritur extrema.

Erysipelas, cum mammas mulierum invaserit, eadem phaenomena, ac Erythematis, exhibet; mamma tamen tota multum duritiei acquirit, inde et dolores ad axillam pertendunt; et, sicuti in membris, affectio phlegmonica etiam supervenit, quae in suppuratione eodem modo terminatur.

Tum demum faciei Erysipelas describendum est: Ferris talis, symptomatibus autem magis violentis, qualis supra memorata fuit, fere semper praecedit. Somnolentia, stupor, et coma gravius, simul cum delirio quodam, majus plerumque hic urgent. Erythema initio punctum tantum, vel in aure vel in radice nasi, occupat; unde rubor paulatim vagatur, dum totam per faciem diffusus fuerit. Imo nonnunquam inter capillitia ascendit, et inde ad collum subsidet; notatu tamen est dignum, ut primam reliquerit sedem, simul ac majorem faciei partem invaserit. Cum rubor a parte primum correpta discesserit, tumoris aliquid, aut faciei turgescencia sequitur, quae tanta, ut palpebrae nonnunquam penitus claudantur. Nec quidem praetermittendum, quod tumores earum partium suppurare, pusque continere, saepe observati fuerunt. Porro speciatim observandum est, quod cum rubor minorque, ut supra memoravi, super faciem vagentur, tumor, eodem tempore, in superficiem ejus in conspectum venit; hicne sit nihil aliud, nisi mera exsudatio, pro certo nunc habetur; procul dubio, tamen, ex vesiculis ibi aspiciendis aliquando oritur. Illae, scilicet, magnitudinis diversae, quaedam columbini ovi, eruptionem totam evadunt, et sublavam tenuem materiam, quae aliquantulum emittitur, includunt: cutis infra, admotum quasi vesicorum fuerat, mucoso quodam humore cooperta, relinquitur. Hoc in totam inflammata partem obtinet, et, morbo terminato, aer mucum exsiccat, faciem lamulis et crustis obductam demonstrat. In quibusdam exemplis, quibus erumpunt vesiculae ampliores, fluidum emittunt, cutemque, ut jam observavi, quasi mucum velum relinquunt, nonnunquam sit, ut haecce materies

atrum et lividum colorem induerit, gangraenae haud multum dissimilem, (quae revera quidem, quamvis rarissime, accidere potest), hicce vero lividus et color subniger, teste Professore nostro, tantum ad mucosam materiam, in cuticularem superficiem diffusam, penetrat.

Hucusque progressum affectionis Erythematicae in facie secutus sum : morbi autem in historia, febris, ex qua eruptio nascebatur, nullam intermissionem fuisse, addere oportet ; neque, eruptione facta, gradu fere ullo mitescere, sed totum ejus decursum, supra descriptum, comitari. Immo febris saepissime, simul gravioribus cum symptomatibus, comate praecipue et delirio, crescit, septimoque, nono, undecimove die apoplexiam creat. Hic eventus exitialis, translationi morbi a superficie interiores ad partes, a facie, scilicet, ad cerebrum, vulgo attribuitur ; et res fortasse se ita habeat. At, Doct. Cullen, se nunquam a facie inflammationem recedere vidisse, observavit, dum, ea causa, cerebrum afficeretur ; in unoquoque autem exemplo, dum affectionis cerebri symptomata sese ostenderent, inflammationis progressum in ore nunquam retardari visum ; immo quidem aliter ; censetque, quoniam haecce signa, ineunte morbo, saepe apparent, et affectionis cursum externae comitantur, injuriam cerebri, non ad metastasin, sed communicationem simul affectionum existentium esse referendam.

In Erysipelatis historia, affectionem externam maxime esse mobilem, adeo ut aliquando prima sede discedat, animadvertere oportet, et jam tum, vel confestim, novam, nonnunquam procul remotam, occupat. Hac de causa, scriptores Erysipelatis translationes ab internis ad partes externas, et e contrario, annotarunt, quae tamen, cum credenda,

cedenda, in hisce regionibus rarius, quatenus egomet
item vidi, quam in plagis meridionalibus, certe eveni-
unt. Quamobrem, de conditionibus, aut eventibus talium
recurrentium, composite differere in me non est.

D I A G N O S I S.

Multa diagnostica enumerare symptomata, quo differe-
ntia inter erysipelas aliosque morbos magis in aperto sit,
pervacaneum fore, nemini latet.

A febre phlegmonica sequentibus rebus distingui po-
t. In Erysipellate, somnolentia, vel coma, febris adjungi
et, quorum utrumque phlegmonica abest. Febris in
ysipellate primaria est; et affectionem localem anteca-
; at contra, phlegmonica febris est solum symptomati-
et plerumque tempori exortus phlegmonis convenit.
quid autem dubii de febris natura adhuc relinquere-
, varia externarum phaenomena eruptionum, sicut
of. Cullen in Methodicae Nosologiae accuratissime de-
navit Synopsi, rem demum manifestam efficient.

Erysipelas a specifica contagione oriri existimatum fuit;
huic sententiae compluria sunt adversa: A singulari
imonia in ipso corpore genita, et in superficie cutis
ae deposita, oriri verisimilius est. At febris tamen
legmonica, aut ipse Phlegmon, vix, quidem ne vix, ha-
cemodi acrimoniam, quasi causam, agnoscit.

Hic morbus facile a Rubecula discriminari potest, non
am tussi, aliisque symptomatis insignibus febris morbil-
losae

losae conjunctis, verum etiam forma distincta papularum, earumque universalitate totum super corpus in rubeola, cum in Erysipelate semper eruptiones coalescunt, et quodammodo partem in corporis particularem relegantur.

Erysipelas a Scarlatina iisdem notis, quas jam descripsi, distingui potest, et maxime hujus rubore, qui nunquam admodum eminens in superficiem, sicut Erysipelatis fit.

CAUSÆ REMOTÆ.

Quidam apud antiquos medici haud obscuro nomine, acri biliosoque humori, in massa sanguinis diffuso, Erysipelas ascribebant. Recentiores, tamen, qui rectius, tum ex factis a seipsis observatis, tum pristinorum ex temporum incorruptis monumentis, disceptavere, in longe alias sententias de hoc, juxta ac multis aliis morbis, ire statuerunt.

Causae generatiorae hujus morbi remotae, sicut ego existimo, ad duo, quae sequuntur, capita reduci possunt.

1^{mo}, Ad causas, quae Erysipelaceam acrimoniam in corpore generare videntur.

2^{do}, Ad eas, quae operationem, aditum ad superficiem et, sub speciali cuticulae parte, accumulationem promonent.

I. Quae materiam augere acrem videntur, ex qua Erysipelas generari solet, sunt,

1. In victu errores, quales praesertim ad intemperantiam spectant, quique quodammodo totum systema, praecipue autem organa, quae in conquoquendo versantur, debilitant; hinc vires assimilantes nocentur, acresque humores generantur.

2. Frequens et immodicus liquorum spirituosorum usus, modo ei haud dissimili, ut opinor, quem proxime memoravi, agentium, certeque multum materiae acris sanguinem inducentium.

3. Evacuationes naturales suppressae, quales nimirum respirationis urinaeque, quibus systema acris ab humoribus, qui perpetuo in eo gignuntur, expurgari debet.

4. Ulcerum exsiccatio, quae diu obtinuissent, et acrimori exitum praebuissent; ad quod etiam referenda arthriticorum exsiccatio evacuationum, nempe fetaceorum et articulorum, quae, ut quoque diu permanferint, haud minus acris humoris emisisse ducantur.

5. Morbidarum repulsio eruptionum a corporis superficie, quae, ab materia acris, ibi latente, pendere, et desquamationis variis in modis abire, conjiciantur.

6. Diuturna sub ardoribus Solis habitatio, quae, et acrimoniae perpetuo in corpore generatae incrementum pro-
vet, et, ut existimetur, acrimoniam peculiarem praeternaturaliter multoties creat.

7. Quidam morbi, qui semper ex acrimonia in systemate existente, ut scorbutus, syphilis, cancer, &c. pendere videntur.

I. Hae sunt forsitan praecipuae causae, acrimoniam generantis praesertim Erysipelacci, quae efficiunt; res autem, quae hanc acrimoniam activam reddant, sequentes esse videntur;

1. Irritabilitas totius systematis praeter ordinem aucta in quibusdam hominibus, atque, hanc ob causam, morbus Erysipelas ex animi pathematis facpe exoritur.

2. Corpus per occasionem multopere irritatum, ideoque quicquid systema supra modum calefactum incitatumve reddit : Et hoc in modo, nimis in balneis calidis commoratio diuturna, vel sub ardore etiam Solis, Erysipelas produxisse reperta fuit.

3. Systematis plethoricus status, tum ex pleno victu et vita sedentaria, cum ex naturalium evacuationum sanguinis suppressione, ut in mulieribus catameniae, aut ex sanguinis jactura usu contracta, ut fluxus haemorrhoidalis, vel haemorrhagiae cujusvis in alterutro sexu.

4. Erythema superficiem corporis afficiat, si quid acrius adhibeatur ; at, num talia externe admota, symptomata Erysipelati exanthematico propria exhibere possunt, quaestio est perobscura et solutu difficilis. Celeb. noster Professor hoc evenire posse opinatur, quipote Erysipelas faciei, vesicatorio pone aurem admoto, cum singulis symptomatis procedere ipse vidit : Hoc autem tam rarissime occurrit, ut vix pro certo affirmare potest, Erysipelas, proprie ita dictum, quidquam acrius externe adhibendo, commovendum esse.

Si quando Erysipelas, aut facpe ex contagione oriatur, ut inquirerem, res ipsa admonet. Rem sese habere, complures medici ita censuere et affirmarunt : Mihi tamen maxime in incerto habetur ; publice enim grassari rarissime videtur, quum exempla sporadica satis multiplicantur. Professore Cullen, decem per cursum lustrorum, plurima hujus morbi exempla occurrebant, et quorum unumquodque in familiis privatis, quod ei videndi copia erat, uni-

cum

am solum afficiebat; neque contagio impertiebatur, ommeatus etsi sanos inter et aegrum et liber et, frequens erat.

In Nosocomiis tamen, Erysipelas, quod unum initio ascerat, multis aliis intra eosdem parietes, evenit commutatum fuisse. Inde num deducendum hanc esse contagionem cui aliarum contagionum vis specificarum inest, naeque in more solito eandem vim exserit, an morbum, is cum conditionibus, ab rebus externis applicatis, ideoque ex effluviis in locis clausis, neque perflatis, ab aegro erysipelatis exhalatis, et adstantibus transvectis, ortum esse, in medio relinquam.

Addere tamen opus est, si Erysipelas a peculiari contagione pendeat, eodem modo, quo fere reliquae contagiones specificae haudquaquam operari, i. e. semel tantum vitae decursu quemvis afficere posse. Erysipelas, enim mihi latet, eundem saepe, dum vivitur, affecisse. Quare eumenta ampliora magisque manifesta erunt necessaria, quibus epidemica contagiosa natura, inter homines eodem intervallo disjunctos, confirmetur.

C A U S A P R O X I M A.

Haec, quatenus ad externas facies pertinet, a causa inflammationis in genere, ni fallor, nihil omnino differt, namque, sanguinis impetus auctus in partis vasis affectae, actione adaucta hisce in vasis excitata. Quum tamen haec, a congestione ista vasi obtinente, vel ab acrimonia multiplicata, exoriat, prior, ut opinor, plerumque phlegmonis,

monis, posterior autem, fere semper Erythematis Erysipelatosi causa est. Quoniam observavimus toties acrimoniam admotam Erythema gignere, non dubitandum, quin Erythema in Erysipelate occurrens, ab acrimonia inducitur, vel in systemate procreata, pendet. Haec acrimonia initio febrem gignit, et postea, in cutis superficie posita, Erythema edit. Proxima igitur causa inflammationis, quae hic occurrit, est conditio vasorum inflammatoria, quae ab admota acrimonia iisdem inducitur fuit; Ita, quamvis, differentiam phlegmonicam inter et Erysipelaceam febrem a causa, constitui, conditionem systematis inducitur plerumque esse eandem, medicamenta quoque eadem applicanda, inficias non ibo. Exempli, tamen, quaedam memorantur, in quibus acrimonia Erysipelas inducens est natura putrida, qua totum systema subputridum redditur. Hujuscemodi affectiones, remedia longe alia, quam febris inflammatoria, sibi postulant.

RATIO SYMPTOMATUM.

Pyrexiae symptomata, vel antecedentia, vel, uti quibusdam de exemplis affirmatum est, simul incidentia cum principio et primo localis affectionis exortu, acrimonia, per totam sanguinis massam diffusa, explicari videntur.

Durus, sed praecipue pulsus plenus, a phlogistica diathesi, quae systema obtinet, et quae nimirum, tam acrimonia, quam congestione potest excitari, procedit.

Rubor,

Rubor, tensio, et turgescencia, quae, ex aliqua parte, currunt, ex arteriarum aucta actione, sanguinem in extrema propellentium majore copia quam facile transmitti potest, oriuntur.

Doloris sensus neque pulsatilis, neque pungens, quia scula affecta, propter exilitatem, plenam pulsationem minime admittunt; sed sensus quasi exurens, sicuti in his exemplis, quibus acrimonia obtineat, ab acri materia effusa, nervos delicatissimos irritante in superficie cutis, fit.

Somnolentia, coma, et delirium, praesertim quae Erysipelas faciei comitantur, connexionione externa inter et interna capitis vasa, quia rami ejusdem stirpis, explicanda; quoque acrimonia, alicui parti admota, communi etiam in toto stimulo fit, et ea de causa sanguinis impetum in versis ramis augeat.

Quamobrem alia corporis pars facilius alia afficiatur, cur Erythema, in una parte potius, quam tota superficie, appareat, quibusdam praedisponentibus, etsi parum ignitis, rebus, in parte affecta, jure fortassis attribua-
tur. Receptus sanguinis solitus in ruboribus, incipientibus moribus, et in omnibus morbis, quibus eruptiones obtinent, quodammodo rationes praebet, cur faciem potissimum Erysipelas invadat.

Quod Erythema a primaria sede ad vicinas partes variatur, tenui acrique fluido sub cuticula serpenti attribua-

tur. Cum fluidum ejusmodi in uno accumuletur loco, nec ad vaporem redactum, ut per cuticulam transire possit, tantum accumulari oportet, quantum eam a cute vera separare sat erit, et eo vesiculae fiunt.

Si hoc in partibus eveniat, ubi cutis vera, sicuti in palpebris, est maxime tenuis, materia in texturam cellularem penetrat nonnunquam, ibique in pus convertitur.

Cum Erythema aliquam crurum partem invadat, cumque simul suppurationes sub cute adsint, hae, ni fallor, acrimonia Erythematica cutis substantiam irritante, et in superficie interna inflammationem et materiem in pus convertendam generante, explicandae. Quod ex his suppurationibus ulcera maligna oriantur, misturae materiei mutabilis, et partim non mutabilis, in pus sincerum, nimis attribuendum est.

EVENTUS MORBI.

Quum cerebri affectiones in unoquoque morbo plus vel minus periculi sequitur, sic etiam in hoc. Inde, Cullen, inter alios, teste, discimus hujus morbi eventum a statu symptomatum, perinde uti denotant ejus organi affectiones, praevidendum esse. Si coma et delirium initio morbi sese ostenderint, sique tum admodum sint gravia, summum periculum est metuendum; quippe in morbi progressu saepe augentur, et aeger ex apoplexia moritur, ut jam in historia memorabatur. Si vero, nec delirium, nec coma adesset, febrilium symptomatum vis, brevi post eruptionem, dilabitur, usui remediorum cedit aptorum et regiminis, hincque parum periculi ex morbo metuendum est.

Si putredinis signa (quod nonnunquam fit), Erysipelas imitantur, eventus in incerto habebitur, perinde ac imitatus, aut vis putredinis sint symptomatum. Morbi eventus etiam erit dubius, cum affectio Erythematica priorem sedem relinquere, et ad alteram vitae utiliorem transferri velle, videatur.

Denique, hunc morbum tantum periculi sequi habetur, quantum aliorum morborum superveniat, unde vitiosam affectionem humoribus aut solidis corporis communicatam estimaretur. Hujusmodi sunt, scrophula, scorbutus, scabillus, et, ut nonnulli putant, cancer. Constitutio exstima irritabilis, super quam actio inflammatoria nonnunquam vires suas acerrime exercet, quoque multum periculis fert; nempe, quae, vitae defecta vi, vastationis gangraenae in topica affectione occasionem praebet.

METHODUS MEDENDI.

Quia causa et Erysipelatis proxima, eaque febris phlegmaticae prorsus eadem sit, ut indicationes curatoriae, si ego censco, similes essent, oportet.

Indicatio igitur iusta in morbo, de quo differo, ea, quae videtur, esse videtur; scilicet,

phlogisticam diathesin, quae systema afficiat, submo-

Systematis

Systematis actio arteriosi violenta compescatur, aut in aliis verbis, phlogistica diathesis, ex aliqua parte, submoveatur, irritantia plerumque corpori admota auferendo, vel saltem minuendo; ad haec evitanda vel moderanda, id, quod vulgo antiphlogisticum regimen appellatum, efficit.

In Erysipellate, igitur, morbo, in quo affectionem valere inflammatoriam creditur, antiphlogistica medicamina, quadantenus et apta et necessaria esse, facile concedetur. Hujusce regiminis administratio in praeceptis, quae sequuntur, observandis, sita est.

Ab quocunque externos movente sensus, quippe quod systematis actionem ad sustinendam conferat, diligenter cavendum. Impressionum hujusmodi princeps est calor externe admotus, vel corpore in ipso accumulatus.

Cujuscunque ab motu generis, ejus praecipue, quo complures ex musculis ad agendum impelluntur, quum plus minus stimulet, etiam cavendum; eaque positio, quae minime muscularem ad actionem conferre videtur, assumenda. Hic tamen observandum sit, quod positus recumbens vel pronus, hoc in morbo, saepenumero minus aptus; forte enim, cum caput doleat, aeger toties quodammodo erigendus, quoties pati potest. Impressiones, cogitationem, loquacitatem, et mentis agitationes excitantes, rectius evitantur. Ablegentur igitur lux vivida, acuti subitique soni, colloquium absurdum ineptumve, similiaque. At, hoc non obstante, tamen aegroti, delirio superveniente, rebus antea familiaribus mentem intendere, si modo prudentia et solertia fiat, haud supervacaneum esset *.

In

* Vid. Cull. Prim. Lin. CXXX.

In administrando cibo cura etiam adhibenda. Nil nisi mod tenue, facile concoctu, nec acrimoniam generans, nec ad putrefactionem proclive, quo ventriculus vel intestin^a stimulentur, apte hic convenit. Sitis sensui satisfaciendum, quatenus saltem aegro saluti sit. Liquores rari et diluentes nimirum in hoc morbo maxime utiles. Crudis viis corrupti et acres humores, vel materia fastidiosa exhauriantur, ne quid irritamenti inde oriretur.

Stimulus omnium, hoc in morbo, fere periculosissimus est acrimonia in fluidis existens. Quomodo haec generetur et augetur, sub remotarum causarum capite jam illustratum: modus, tamen, irritationi moderandi, vel ejus effectibus obviam eundi, ad hunc locum pertinet. Quicunque hujusmodi igitur acrimonia, quae vascula irritat, inflammationem sustinetque, certe explorari potest, emolientium usus clare indicatur. Haec, diluentia, blandos liquores, mucilaginosos et olea mitia, complectuntur. Auctor accuratissimus, ingeniosusque, hanc remedium classem commemorans, observationem profert sententem: 'Minime enim negari potest, humores corporis humani, natura aliquantum acres, variis de causis, interdum majorem atque nocivam adipisci acrimoniam, quod eodem,' &c. Postea addit: 'In hoc igitur statu perspicuum est, omnes potus tenues et blandos, vasculasque res oleosas et mucosas, opem esse latura; omnis enim acrimonia multum diluta, debilior, et tandem intersit *.'

C

Res

* Vid. Greg. Th. Med. p. 9. 365.

Res oleosae tamen caute adhibendae, praesertim si concoctionis functio aliquo modo imminuatur; quia tunc in ventriculo rancidae fieri aptiores, hincque vim irritamentorum augere.

Altera medicaminum classis huic indicationi accommodata, eas potestates, quae violentam systematis sanguiferi vim, sedativa potentia, diminuunt, complectitur. Earum primum maximeque generale est frigus. Quousque haec vis quasi sedativa frigoris adhibeatur, aut quo in statu rerum, quod ad febrem habitumve corporis, admitti debet, haud satis compertum habemus. Hoc tantum hodie nemini occultum, quod in quibusdam aliis exanthematis frigus, nec frustra, adhibitum fuit.

Ad hoc caput, medicamenta, Refrigerantia appellata, referenda sunt; talia, acida omnigena, et praesertim vegetabilia; sales neutri, ii praecipue, qui alkalina basi gaudent, quorumque nitrum plerumque anteponitur.

Quum in hoc, sicuti in caeteris inflammatoriis affectionibus, systema sanguiferum praeter naturam toni, tensionis, et vigoris, gradum possidet, missio sanguinis, ad haec minuenda, multum contulisse semper aestimata. Neque quidem remedium est ullum, quo, hoc consilium, tam efficienter tamque celeriter satisfieri potest. Quantum sanguinis detrahendum, perinde ac symptomatum violentia, pyrexiae praesertim et illorum quae cerebrum affectum denotant, esse oportet. Si turgida sit facies et suffusa, si pulsus plenus et durus sit, et praecipue si coma et delirium urgeant, ad ullum morbi stadium, missio licita sanguinis est. Plerumque tamen praestabit, in calidis praecipue regionibus, ut etiam in hac latitudine

per ardores aëstivos, parvulum sanguinis uno tempore tantum detrahere, sed operationem repetere, quoties ex symptomatis necessaria esse videatur. Causae natura remotae, aëgri constitutio, usus sanguinis amittendi antea in eodem, aliisve morbis, plerumque medicum, quod ad hanc operationem, dirigere, sat erit.

Laxantia et remedia purgantia ad vim atque tensionem arteriosi systematis minuendas optime accommodantur. Haec bifariam, in hoc morbo, operari videntur; *Primo*, Ad intestina humores illiciendo, et excretiones ab arteriis non solum augendo, sed etiam mucosos plurimos folliculos ibi locorum positos evacuando; *Secundo*, Inductas faeces, et corruptos vel acres expellendo humores, qui forte cōnali adsint intestinali, et qui irritationem, jam systemati allatam, sustinere contribuant. Laxantia, quibus in hoc morbo uti licet, sunt oleum ricini, sulphur, tartarindi, &c. Medii sales, quippe qui tum purgant cum dant, si cathartica fortiora necessaria, apte adhibeantur.

Medicamina ad superficiem corporis, quae humores eliciunt, neque calorem, neque irritationem jam nimiam, augescunt, huic morbo maxime accommodantur. Humidissimi modi remedia et adversus spasmus vasorum extremorum valent, et foras mittunt per poros cuticulares materiem acrem, quae, subter cuticulam posita, inflammationem generalem aequae ac topicae promovet. Hoc conio, diluentia, atque sales medii, in multa aqua soluti, adhibeantur.

Fomentationes inferioribus extremis admotae, multum commodi, praesertim ubi humorum aucti cursus ad caput signa

signa sunt manifesta, pollicentur. Licetne, in typo Erysipelatis communi, vesicatoria unquam applicare?

Hucusque de Erysipelatis curatione, uti in hac aliisque frigidioribus regionibus plerumque occurrit, differui. Quum tamen, putrida febris et typhus aliquando hunc morbum comitantur, aut assequuntur, quumque in talibus exemplis, medendi methodus supra exscripta, non solum nil profutura, sed plerumque nocitura; ut considerarem igitur administrandi modum hos casus, quam brevissime potero, res ipsa admonet. Consilium hic institutum est, debilitati occurrere, et a proclivitate fluidorum ad putredinem praecavere.

Remedia, quae ad debilitati occurrendum pertinent, inter tonica et stimulantia reperiunda sunt.

Tonica, aut ex regno ~~animati~~, aut vegetabili plerumque obtinenda. Frigus, uti tonicum, quidem, vehiculo aëre vel aqua, tum veteribus tum hodiernis nec infelicer, nonnunquam solitum adhiberi. Hujus tamen facilis administratio tutaque vix adhuc, in unoquoque exemplo, satis accurate fuit definita. Tonica ex fossilibus numerosissima sunt; multa autem commendatione dignata, neque tuta tamen, neque operatione admodum certa. Vegetabilia tonica frequentius et plerumque feliciter adhibita fuerunt. Horum princeps est cortex Peruvianus, qui, in plerisque morbis ex debilitate pendentibus, diu remedium quasi specificum habebatur, praecipue in gangraenis. Ergo isti statui Erysipelatis, quo non solum debilitas, et in fibris muscularibus toni defectus, plurimum valent, verum etiam in affectione externa, ubi ad gangraenam inclinatur, optime accommodatur.

Stimu-

Stimulantium in hac Erysipelatis conditione, sicuti in orbis similibus, optimum est vinum, quod exhauriri liberrius oportet, ut salutiferum efficiatur. Opium simul quod infeliciter administrari potest, praesertim, si delirium leve, et nulla vestigia diathesis inflammatoriae adsint.

Proclivitati in fluidis ad putredinem, aëre libero et puriore in aegri cubiculum admissio, excretionibus sudoris et urinae auxilio, praecipue diluentium, sustinendis, atque remediis antisepticis, occurrendum est. Generosi vini, una cum cortice, poculum saepe laete succedet. Cibi animalis, sicuti in aliis morbis ita se habentibus, usus apte evitandus. Si alvus contracta, sive catharsis sub morbi initium neglecta fuerit, removere laxantibus acris ejus contenta plurimum proficiunt.

Cum in hoc morbo semper adsit externa topicalis affectio, quae, in compluribus exemplis, symptoma est omnium aegris molestissimum, quare varia externe admoveantur in medio chirurgi protulere. Nullius fere omnium generis innocentiam, nedum utilitatem, adhuc experientia confirmavit. Hinc medici plurimi pleraque eorum, sicuti a casta, vel noxia, repudiavere. Narcotica, refrigerantia, et astringentia, ad gangraenam perducere aiunt, lotio spirituosas inflammationem augescere, et res oleosas, aquosas, affectionem latius diffundere affirmant. Denique, vix morbus ullus, in dilectu et usu medicaminum totorum, tantum difficultatis et confusionis, quam Erysipelas, attulit.

Pulveres medicati Hoff. multum laudantur, et in ejus sententiam complures recentiorum pedibus ivere; hac tamen differentia, quod hi, quale pulveris sit genus, modo occidendi materiam exsudantem facultatem teneat, nil

penſi

penſi habent. Dr Kirkland, qui de hoc morbo inter noviffimos ſcripſit, multis verbis, pulverum aridorum uſum reprehendit, affirmatque ſe ipſum vidiffe, in plurimis exemplis, injuriam manifeſte conſecutam. Ab eodem auctore accepimus, ſe perpetuo, triginta annos et ſupra, refrigerantibus et emollientibus uſum eſſe, et nunquam ſecus praxi eveniſſe, quid eo rationis eum poeniteret.

Anglici quidam artem medicam exercentes nuper diſtillare, braſſicae folia noviffime detracta, eruptioni erythematicae, haud incuſſum, admota. De hac re tamen, in quo virtus poni poteſt, mihi equidem exploratu haud facile videtur.

Denique, haec affectio topicalis, caeteris ab eruptionibus ſymptomaticis, quibus, morbo primario ſublato, multae applicationes neque admittendae, neque neceſſariae ſunt, parum differt. Aridi pulveres, quum plerumque *cum* innocui, loco igitur admoveantur; et ſi ~~quid~~ aegro ſubvenirent, materiam acrem effuſam exſiccando, veriſimile fit, quia impediunt, ne corium conſumeretur, aut vaſa ſubjacentia irritarentur.

Gangraenae et ſphacelo, ſi acciderent, feliciffime ab internis remediis occurritur. Si ſuppuratio obtineat in parte affecta, maligna ulcera plerumque ſequentur, quae modo chirurgico prorfus ſunt adminiſtranda.

Hoc opusculo jam ad finem perducto, ſummum animi ſenſum grati, ob plurima beneficia, ab illuſt. Profeſſore, Medico ſolertiſſimo, ſpectatoque viro, *Cullen*, erga me facta, hanc

ne occasionem palam praedicandi laetissime amplector ;
o, medicae artis facile principe, qui nomen honestissimum
e suapte ingenio sibi acquisivit, quique in praestantissi-
s scriptis, et in omnium memoria, queis amicitiae
anmodis frui contigit, maxime observatus honoratusque
vivet.

In hoc loco quoque, celeberrimum *Black*, cujus privatis
beneficiis, aequae ac praeceptis accuratissimis publicis,
maxime obligatum teneri confiteor, silentio praeterire
de puderet.

F I N I S.



